

علی اکرم


اوردونك دقترى

« عثمانلى قهرمانلرىنىڭ بويوك فضىلىتى وحماسىتى »
« دىنى، اخلاقى، تارىخى، مىلى آتار منظومە ومنتورە »



دارالظروف العلىه
اوقاف اسلاميه مطبعهسى

۱۳۳۶



افاده

تاریخی چهرهٔ ازلیتده بر شعشعهٔ اشتہار، حالی سینۂ ابدیتہ منعکس بر مطلع شہادت وقار اولان عثمانلی اوردوسنہ و اوردوی تشکیل ایدن امرا و ضابطان و افرادک ہر برینہ بوتون عثمانلیلر کیبی بنده بی پایان احترامات و تعظیبات ایلہ مربوط و مفتونم، خصوصیلہ بویوک و وطنمزک بلکه اک بویوک اوغلی نامق کال، عثمانلی عسکری حقندہ اعماق روحنی دولدوران عالی و مقدس حسیات اسلامیہ و ملیہ بی کندی اوغلنکدہ روح و وجدانہ القا ایتمکہ چوق چالشمش ایدی. بوکون اوردومزہ تقدیم ایتدیکم شو کتابدہ پدرم مرحومک روحنن بر نفعہ بولوندورمغہ موفق اولایلدیمسہ بونی اک عالی مکافات عد ایدہرم. «اوردونک دفتری» نی آنجاق بومقصدی تأمین ایچون یازدم. درجہ موفقیتمی تعیین ایدہجک اولانلر اوردونک ارکان محترمہ سیدر.

کتابک بویوک بر قسیمی عثمانلی عسکرینک قہرمان افرادینہ خطاب ایتمکدہ ایسہدہ بر طاقیم محتویاتی امرا و ضابطانک مطالعہ لرینہ مخصوصدر؛ مسلمان عسکرینک، تورک نفرینک روح نجیبی بوتون قابلیت علویہ سیلہ نظرکاھندہ منجلی کورہن ہیئت جلیلہٗ عسکریہ اوردونک دفترنده مسلمان عسکرینہ و تورک نفرینہ کندیسنی اوکرہدن اثرلری البتہ پک مصیب بر

نكاه تدقيق ايله كوروب انتخاب ايدەر . « اوردونك دفترى »
اوردويه برغايه علويه تصويرونده احراز موفقيت ايدہ بيليرسه
بو برنجي جلد دن صوكرامنه تعالى ايكنجى، اوخونجى جلد لرى ده
نشر اولونا جقدر .

على اكرم

۱ مارت سنه ۳۳۴



باشلانغىچ

قوجا عسكر ، يوجا عسكر ،
بودفترده سكا سويلر
قلم ، روح سنى ... شاعر
ناصيل سنك ايمش مكر !
اوقوده باق ، ناصيل كلير
يورە كىدن بوتون سوزلر .
سكا لايق بزم ايلده
يوق ايدى بر بويله دفتر ؟
امر ايدنجه اوردو يازدم ،
اوقوده ايت بونى از بر .
جناب حق سكا ويرمش
بر يوره كه عىنى جوهر !
او يوره كده طوللاشمدر
اوولو مولا ، حق پىغمبر ؟
ابوبكر ، عمر ، عثمان ،
حسن ، حسين ايله حيدر ! ...
او يوره كىدن ملت دويار
هر زمان بر بويوك خبر .
دوكدوكك هر داملا قاندىن
بليبر بر ياقوت ظفر ؟
كوزلر كىدن الماس آقار
دين ايچون آغلار سهك اكر .

حق يولنده جان ويريركن
 سكا عاشق اولور كوك ير!
 اي جانه جان قاتان عسكر،
 ديني، شرعي طوتان عسكر،
 يره، يورده تمل قوران،
 دوشماني توركك اوران،
 عرضي طوتان، حقي بولان،
 بويوكلكدن بويوك اولان،
 تورك قانندن، حق جانندن،
 پيغمبرك وجدانندن
 روحى قوپمش تورك عسكرى،
 دين اولادى، الله اري،
 سنسك، سنسك، سنسك، سنسك،
 شهدا روحنه يمين
 ايدهرم كه بزم ايجون
 سنسك دنيا آخرت بوتون!
 قوجا عسكر، يوجا عسكر،
 قلم سكا نهلر سويلر:
 دامار كده اوغوز قاني،
 دوغان كونش قادار دلبر؟
 عثمان، اورخان، فاتح، سليم
 قادار بويوك فكرك سفر
 ايدهر دنيا لرده
 برحق ايجون... دكيل بشر،

سكا ارواح اولور حيران ،
 قوجا قران جانلي عسکر !
 سونکوکک اوجي طاقيور
 يکيتک کونک يير
 بايراغک آي ييلديزني ،
 اولماز سنک قانک هدر ؛
 کلز يوزک يره والله ،
 هي ملک جانلي غضنفر !
 آکلادک يا سوزلريمي ؟
 او قو ، آکلا ، بيل ؛ برابر
 قالسين دفتر يوره ککله ،
 يوره کک دويماسين کدر .
 او قو عهد ايت : ياشهادت ،
 يا غزايه ارسلان نفر !



بِسْمِ اللّٰهِ الرَّحْمٰنِ الرَّحِیْمِ

بِسْمِ اللّٰهِ الرَّحْمٰنِ الرَّحِیْمِ ایله
باشلا یالم اوقومغه ، بسمله
هر خیرلی ایشده بزه واجدر ،
الله آدی هرشیدن اول کلین .

لااله الاالله محمد رسول الله

هر کون دیرم : لااله الاالله
محمد رسول الله . بو نیم
اک مقدس وظیفه مدر بیلیرم :
اسلام دینی دین الحمد لله .

اسلامک شرطری

اسلامک شرطری بشدر :
کلمه شهادت بر ؛
صوم و صلات ، حج و زکات ؛
ایشته بش اولدی . اوکره نیر
بو ایش شرطی هر مسلمان ؛
اوکره ن عسکر ؛ آکلا ، اینان .



عسڪرڪ توحيدى

نه بويوكسك اللهم سن ،
بويوكلكك كوكلكن
بيلدز ، بيلدز پارلار دورور ؛
كونشكك نوري اورور
صيجاق صيجاق قلبه ، جانه :
آئك كيجهلر جهانه
كوكل قادار كوزل دوشر ؛
ده كيز ، طوپراق ، هر شي هر ير
سنگ رحمتكاه ياشار ،
يوز بيك كوكده بر الله واز !
تكبيرك هر جانه اويار ،
عسكرايچون بر الله وار :
بسك ياربي ، بسك سن ،
هر نفرڪ يوره كندن
برلككك سسى كلير :
« الله بردر ، الله بردر ! »
رحيم الله ، اوولوتكريم ،
كيجه ، كوندوز يالواريرم
حضور كده سجده لرله ،
شوقير قولكى ديكاه :
يا شهيد ياغازى اولام ،
جنتكده بر ير بولام .

سنك بويوك دينك بوكون ،
 ظلمه قارشى قالمش دوشكون ،
 لکن بن وارم ، بن وارم :
 سکا هر کون يالواريرم ،
 ايله غازى ، شهيد بنى ،
 قورتاريم بويوك دينى !
 بلکه بيك ييلدر تورک ايلي
 طوفان قادار قانلر سيلي
 دوکمش بودينك اوغرينه ؛
 اوقيزيل ايلک باغرينه
 سن ده نورلر ايلتمشسک ،
 تورکه هر یرده تيمشسک :
 دنيالره سايه سالمش ،
 عالم نچه سنده قالمش !
 روم ايلنه کمش ، چوکمش ،
 استانبولدن کفرى سوکمش ؛
 قوجا اولکه لرى طومش ،
 دريالرى سانکه يومش ؛
 حق بيلديكى يوله صاپمش ،
 اوغراغنى کعبه ياپمش ؛
 قليجنک کولکه سنده
 قالمش بوتون جهان ... سن ده
 ياپديغى بکنمشسک ،
 التدن طومشسک کندک !

زده شیمدی اوزمانلر؟
 اویوبورمی مسلمانلر؟
 خاییر، خاییر... ایشته ینه
 قرآنکک حق امرینه
 جان آتدق، کلدک غزایه؟
 شان ویردک دار دنیایه.
 ینه بزه یتیش یاحق،
 مسلمانلق محو اولاجق،
 تورکلک یرده سورونهجک،
 کافر دوشمان کورونهجک
 تورک ایلنده.. قوما کلسین
 سوکیلی حییک ایچین!
 قوما، قوماسن یاربی،
 کونشک آتشی کیی
 بر آتیش ویر قلبمزه،
 برقیغلیچیم یتیر بزه!
 ایشته قانمز آقیور،
 رسول اللهک باقیور
 دین اوغرنده صاحدیغمز،
 جهان جهان آچدیغمز
 اوولو دریا قانلرینه!
 رسول الله دیور سکا:
 «باق یاربی عسکریکه،
 باق شو دینک ارلرینه،

يوجا داغلر، قوجا ايللر :
 ميليونلرجه ملعون لشكر
 قاچيشيور حضورندن ؟
 بو اوردولر اسلامه شان ،
 مسلمانه بويوك وجدان ،
 شريعت ، معدلت ، قرآن
 عرض ايدييور ؛ بو عسكرك
 سنك بويوك شهيدلرك
 قادار اوولودر ، بويوكدر ،
 يوزندن عرشك كورونور !
 ديكه پيغمبركي سن ،
 بزى دور ايمه ظفردن .
 اوولو تكري ، بويوك مولا ،
 جان ويريز ايشته سكا !
 جان ويريز ، چونكه وطن
 بزدن جان ايسته يور ؛ جهان
 برنفسه دكيزكه بز
 ياشامغى سوه جكنز !
 اولورز ، نامرد اولمايز ،
 قجه لكه قورتولمايز .
 اولورزده قوجه وطن
 يشار ! بوني عسكر اولان
 بشيكنده اوكرمشدر :
 محمد حقدر ، الله بر !

ظفر ، ظفر ، ظفر ، ظفر !....

ایشته ظفری هر نفر

بردن کو کدن کورور، سه زره؛

ظفر یانار داغه بکزه ر !

لکن اونی قوجاقلارز ،

دینک باغرنده صاقلارز .

اعتقادیمز بوتوندر ،

بزم ایچون کون بوکوندر :

أولک وار ، دوئمک یوق ! الله ،

الله ، الله ، اوغمرکده آه ،

أولوب دوران شو عسکری

قوما رحمتکدن بری !



عسڪرڪ نعتي

يا محمد بن جانم ، جڪرم ؛
شفا عتجيم ، سو کيلي پيغمبرم !
آنام ، بابام ، اوغلووم ، قيزم ، قيزانم ،
يرم ، يوردم ، كميكم ، آتم ، قائم
سكا فدا ، سكا قربان اولمالي ،
توركك قاني تا كمبه كه دولمالي .

يا محمد الصلاة والسلام
عليك يا رسول الله ! بن تمام
يكرمي بيلدر الصلاة كتيريرم ،
بيلدم سني داها چوجو قكن كندم .

الصلاة والسلام يا بي ،
ايشته قلم بر يا ورو قلمي كيبي
سنك آنا يوره ككه آجيلدي ،
شفا عتكت مدينه دن صاحيلدي ،
كلدي كيردي ، تا جانمك ايجنه ،
الله يوزك كوكلردن اوردي ينه
كوله كوله هر نفرڪ يوزينه ؛
هر مسلمان ينه حقتك اوزينه

قلب آچيور، نه سويلي نه يامان
باقيشڪ وار يا محمد! الامان

ايشته كلدڪ، ايشته سکا هر نفر
جان ويره جڪ! سويله قرآن نه بکتر

داها بزدن؟ نه در سنڪ ديله كك؟
سويله، سويله جديكك روي ايجين

نه ايسترسك؟ ناصيل قربان اولام؟
هاتكي كو كده جتكي بولام؟

تورك عسڪري سنڪ كندی عسڪرڪ،
سنڪ اوغركده جان ويرر؛ توركلرك

ديني، جاني، عقلي، فكري سنسك سن؟
بزي محروم قوما شفاعتكدن!

قوما، خائن دينسزلي اورالم،
مسلمانلق دوشماني قيرالم

عمانليلر ينه اورسون، بيتيرسين
دوشمانلري دينكك عشق ايجين،

ينه ناصر دايلارينه دالالم،
ظالموردن اوچمزي آلام.

كبهك اينجمنه دن دورسون يرنده،
ايشته كلدڪ: بز جنت ايللرنده

قيلچلرك كولىكسنى آتيدق ،
حق يولنده اولوملره قاتيدق

الله ناصيل وارسه ، وارسك ! بركك
يورە كمدن دوغويور ايچين ايچين .

يارسول الله افندم ، سلطانم ،
عقلم ، فكرم ، جكرم ، قانم ، جانم ؛
ايشته كلدم حضوركه ، سن بكا
ياظفر وير يا محمد مصطفىا ،

ياشهادت ! حق يولنده اولهيم ،
جنتكدن تورك ايلنه كولهيم .



چهار یار کزین

پیغمبر افندیمنک
درد یاری واردی او کره نک :
برنجیسی « ابو بکر » ،
او اک بو یوک خلیفه در .
فضیلت و شرافتی ،
مسلمانلغه خدمتی
آسمانلر قدار عالی ؛
تاریخده یوقدر امثالی .
او کلسه یدی دینمز
قالمایه جقدی ، اونی بز
نه قدر سوسه ک شایاندر ،
« یارغار » اوکا عنواندر ،
زماننده مسلمانلر
برچوق مملکت آلدیلر :
ایکی بیلق خلافتی
یتشدیردی . بوامتی !
نامی « صدیق » ، شانی اعلی ،
رضی الله تعالی .



ایکنجی خلیفه « عمر » ،
مسلمانلر تقدیس ایدر

عدالت و عرفانى ؛
 اسلاميتك شانى
 اودر دنيايه اوكره دن :
 روح آلدى عدالتدن
 ميليونلرجه اهل ايمان ،
 دنيا دولوسى مسلمان !
 « فاروق » عنوان شانيدر ،
 عدالتك سلطانيدير .
 ايرانى ، مصرى او آلدى ،
 زماننده سايه صالحى
 شرق و غربه اسلاميت ؛
 حضرت عمره امت
 الى الابد ايدهر حرمت ؛
 اونى ايدهر تا قيامت
 تاريخ آسمانلره اعلا ،
 رضى الله تعالى .



اوچونجى خليفه « عثمان »
 فطره پك بويوك انسان ؛
 « ذى النورين » عنوان شانى ،
 جمع ايدهن اودر قرآنى ؛
 حلم و شفقتله يكتادر ،
 مجسم نور حيادر .

زمانندہ آفریقادہ ،
 خراساندہ ، قافقاسیادہ
 فتح اولوندی برچوق یرلر ؛
 ہندہ قادار چکدی لشکر .
 قدر وشانی غایت بالا ،
 رضی اللہ تعالی .



دردنجی خلیفہ « علی » ،
 انسانلرک او اکملی ؛
 عنوان جلیلی « حیدر »
 بویوک انسان ، بویوک عسکر ؛
 آئندہ قانلی « ذوالفقار »
 اهل کفری اورور ، قیرار ،
 غزالردہ شان آیردی ؛
 اونک یانندہ قالیردی
 اک قہرمان دشمن عاجز .
 علی بی پیغمبرمز
 پک چوق سوردی . نہ دولت !
 علم وادب ، شعر و حکمت
 ہر سوزندہ منجلیدر ،
 « باب علم » اولان علیدر . [*]
 اونی مدح ایدیور مولی ،
 رضی اللہ تعالی .

[*] انا مدینة العلم وعلی بابہا « حدیث شریف »

حضرت ابوبکر

بکا باق اوغلوم عسکر، جانمک ایچی سوکیلی اولادم نم؛
سکا حکایه لر سویله به حکم . بونلرک هپسی اولمش شیلردر .
حکایه لریمی ایجه آکلا، جانکه سیندیر! سوزلرمدن اورنک آل،
سکانه سویلر سه م دین کوزیله کور، نه سویلر سه م مسلمان قولاغیله
ایشیت :

اوولو پیغمبریمز، محمد مصطفیٰ افندیمز حضرتلرینسک اک
بو یوک یاری، اک زیاده امنیت ایتدیکی مبارک آدم؛ رسول الله
افندیمزک او مبارک آدینی قرآن کیبی کندی روحده طاشینان،
اوغرینه، قوجا دیتمز ایچون اولدیغی کیبی، حیاتی، مالنی، وارینی
یوغنی، هر شیئی، هر شیئی فدا ایدن اک بو یوک مسلمان، اک جنتلک
قول هیچ شهه سز حضرت ابوبکر در. بوانسانلقدن یوکسک،
ملککدن تمیز، پیغمبر خویلو؛ اوزی سوزی دوغرو، جانی،
یورده کی، عقلی، فکری تام مسلمان حضرت ابوبکر در. رسول الله
افندیمز، خضر علیه السلام کیبی امدادینه یتشه رک، مشرک لک
یجه فالق لرندن قورتاران حضرت ابوبکر در. مسلمانلغک خدیجه
آنامزدن صوکر اک بو یوک قادینی اولدیغنی بیلدی کمز عقل،
علم سلطانی؛ مرحمت، انسانیت آناسی عایشه والده مزنی رسول
الله افدمزک حاللغنه ویره رک آخر زمان پیغمبرینه قان پدراولمق
شرفنی قازانان حضرت ابوبکر در .

آنی عرشک کونش لرندن بری قادار الله نورینه، چهره سی
قرآنک صحیفه لر کیبی رسول الله جمالنه آینه اولمش اختیار کنج،
چوجوق قلبی، قوجامش ذهنلی، جبرائیل کیبی هر زمان مولی